

聖濟總錄

吳錫璠署

傷寒門

傷寒統論

論曰風寒暑濕飲食勞倦皆能為病是謂五邪冬傷於寒者春必病溫春傷於風者夏必飧泄夏傷於暑者秋必痲痺秋傷於濕者冬必咳嗽是乃四時之氣也然五邪所中雖不同本皆外邪大率同類惟冬時嚴寒其毒厲尤甚人或中之病在冬時則正名傷寒若邪毒藏於肌膚至春之時乘溫而發者為溫病若留連日久至夏之時乘盛暑而發者為暑病所謂先夏至日為病溫後夏至日為病暑是也其病傳之次先客於太陽其病令人頭項痛腰脊強其脉尺寸皆浮太陽不已傳於陽明其病體熱目疼鼻乾不得卧其脉尺寸皆大陽明不已傳於少陽其病胸脇痛而耳聾其脉尺寸皆長少陽不已太陰受之其病腹滿體重其脉尺寸俱微太陰不已少陰受之其病口燥舌乾而渴或背微惡寒其脉尺寸俱沈少陰不已厥陰受之其病煩滿舌卷囊縮其脉尺寸俱緩病之所傳不過三陽三陰而已其未滿三日者邪在陽經未入於裏其病在表宜汗之而愈若經四日者邪入陰經其病在裏宜下之而愈特其大略爾蓋有一日而

傳至裏經者亦有數日而尚在太陽者陽病雖宜發汗陽明之病反宜下之陰病雖宜下之少陰之病或宜溫之由人之稟受虛盛其傳有遲速又有不傳經者當審其脉證凡此六經受病五邪脉證各不同傷風者必惡風其脉浮緩傷寒者必惡寒其脉浮緊以至傷暑脉虛傷濕脉濡人迎緊盛為傷寒氣口緊盛為傷食診得五邪知其本也診得六經知其標也有病雖在表而不可汗者或在裏而不可下者或若汗之太多則津液燥竭遂至亡陽下之太早則邪氣動膈乃成結胸清濁相干則變為霍亂熱毒內瘀則變為瘀血又或為發黃者濕熱相蒸也或為發斑者陽毒太甚也陽盛之人得之於熱乃為陽毒陰盛之人得之於寒乃為陰毒蟲動則為狐惑壞病之甚則為百合若勞復陰陽易之類雖差後猶宜節慎變態多端不可備舉當以類求之皆以適當為良唯二感之病表裏皆受邪為難治其他或陰證似陽陽證似陰或陰盛隔陽陽盛隔陰者在診病者以意詳之

傷寒可汗

論曰傷寒病汗之而愈者以初得病一日至三日陽經受邪未傳諸陰其邪在表故當發汗此大約也然病數日脉浮太陽證不罷者亦可汗之當以脉證為

準凡頭痛發熱惡風振寒是為可汗之證其脉浮者是為可汗之脈陽虛則惡寒脉浮為在表或浮而弱或浮而緊或浮大而數皆宜汗之衄家脉雖得之不可汗故內經曰其在皮膚者汗而發之

治傷寒太陽病頭痛發熱身疼腰痛骨節疼痛惡風無汗而喘者麻黃湯方

麻黃

去根節三兩

桂枝

去粗皮三兩

甘草

炙到一兩

杏仁

去皮尖雙八七十枚

右四味㕮咀如麻豆大每服五錢匕水一盞半煎至八分去滓溫服覆取微汗不須啜粥餘如桂枝法將息

治傷寒太陽中風脉緊發熱惡寒身痛不汗出而煩燥者大青龍湯方

麻黃

去根節六兩

桂枝

去粗皮

甘草

炙到各二兩

杏仁

去皮尖雙八四十枚

生姜

三兩

棗

大者十枚

石膏

一塊如雞子大碎

右七味㕮咀如麻豆大每服五錢匕水一盞半煎至八分去滓溫服脉微汗出惡風者不可服

治傷寒太陽病得之八九日如瘧狀發熱惡寒熱多寒少其人不嘔清便一二三日脉微緩者為欲愈也脉微而惡寒者此陰陽俱虛不可更發汗更下更吐也面色反有熱色者未欲解也以其不能得小汗出身必痒屬桂枝麻黃各

半湯方

桂去粗皮 一兩半 芍藥 生姜切 甘草炙 麻黃去根節 各一兩

大棗四枚 杏人去皮十八枚 湯浸

右七味咬咀如麻豆大每服五錢匕水一盞半煎至八分去滓溫服

治傷寒太陽病外證未解脈浮弱者當以汗解宜桂枝湯方

桂去粗皮 芍藥 生姜各三兩 甘草炙二兩 大棗十二枚

右五味咬咀如麻豆大每服五錢匕水一盞半煎至八分去滓溫服須臾啜

熱稀粥助藥力取微汗

治傷寒少陰病得之二三日宜微發汗以二三日無證故微發汗也麻黃附子

甘草湯方

麻黃去根節 甘草炙各二兩 附子一枚 炮裂 去皮臍

右三味咬咀如麻豆大每服五錢匕水一盞半煎至八分去滓溫服

治傷寒初覺一二日頭項腰脊痛惡寒葱豉湯方

葱白十四莖 豉半合 乾姜炮一 麻黃去根節 桂去粗皮

芍藥各半兩

右六味咬咀如麻豆大每服五錢匕水二盞煎至一盞去滓溫服良久投葱豉熱粥蓋覆出汗

治傷寒服葱豉湯後未得汗再服葱粥方

葱白

剉碎并豉炒三合

生姜

半兩拍碎

右三味用水五盞煎至二盞半去滓入白米依常法煮粥入少許鹽攪勻任意食之衣覆出汗未汗再服

治傷寒初得一二日出汗麻黃葛根湯方

麻黃

去根節兩半

葛根

剉 此胡去苗各芍藥三分

右四味粗搗篩每服五錢匕水一盞半豉一百粒開口椒一七粒連須葱白三寸薄荷葉二十葉同煎至八分去滓熱服服後葱豉湯一盞投之衣覆取汗汗未快再服

治傷寒初覺煩熱頭疼脚痛解毒湯方

柴胡

去苗半兩

黃芩

去黑心

荊芥穗

各一分

右三味剉如麻豆大每服五錢匕水一盞半生姜一棗大拍碎煎至八分去滓入生地黄汁一合白蜜半匙更煎三五沸熱服

治傷寒初覺頭痛惡寒壯熱腹內熱脉洪大一二日宜葛根湯方

葛根剉

黃芩去黑心

芫胡去苗各半兩

葱白五莖

豉炒一合

右五味咬咀如麻豆大每服五錢匕水二盞生姜一棗大拍碎煎至一盞去

滓溫服良久再服得汗即止

治傷寒初患一二日體熱頭痛麻黃解肌湯方

麻黃去根節一兩

石膏碎

葛根剉各一兩半

甘草炙半

芍藥

杏仁湯浸去皮尖雙

桂去粗皮三分

右七味粗搗篩每服五錢匕水一盞半生姜五片煎至八分去滓溫服

治傷寒一二日頭疼壯熱偏身疼痛其脉洪數葛根湯方

葛根剉

白朮

芍藥

乾姜炮各半兩

麻黃去根節

桂去粗皮各三分

甘草炙半

右七味粗搗篩每服五錢匕水一盞半煎至八分去滓熱服如脉微即加附

子半兩

治傷寒三日發汗神丹九方

人參

白茯苓去黑皮

半夏湯洗七遍炒各一兩一分

附子炮裂去皮臍一兩

烏頭炮裂去皮

右五味搗羅為末入丹砂一分研勻鍊蜜和搗三五百杵丸如大豆大每服三九薄荷茶下令體中暍暍然又以熱粥投之汗出即止

治傷寒初得一二日頭痛壯熱惡寒脈浮緊者石膏人參解肌湯方

石膏

碎

麻黃

去根節

芫胡

去苗

人參

各半

桂

去粗皮

甘草

炙各一分

葛根

剉二兩

右七味粗搗篩每服三錢匕水一盞入葱豉生薑煎至七分去滓熱服不時治傷寒三日以前表證不除芫胡湯方

芫胡

去苗

麻黃

去根節

石膏

各一兩

甘草

半兩

右四味粗搗篩每服三錢匕水一盞入鹽豉三十粒葱白二寸煎至六分去滓併三服汗出為度

治傷寒初病三日內脈浮有表證芫窮湯方

芫窮

四兩

蒼朮

一斤半剉麩炒熟木白內

藁本

去苗土

甘草

二兩

右四味粗搗篩每服三錢匕水一盞生薑五片煎至六分去滓稍熱併三服

治傷寒初得一二日至三日頭痛痰逆肢體煩燥惡風身熱憎寒荊芥湯方

荊芥穗四兩 前胡去蘆 旋復花各三兩 甘草炙二兩 白朮

半夏湯洗七遍焙乾 麻黃去根不節 芍藥各一兩

右八味粗搗篩每服三錢匕水一盞生姜三片棗三枚擘煎至七分去滓熱服不拘時

治傷寒二三日頭痛體疼發表五味桂枝湯方

桂皮去粗 葛根剉各一兩 麻黃去根節一兩半 山梔子人兩 石膏一分

右五味粗搗篩每服三錢匕水一盞葱白一莖切豉三十粒煎至七分去滓熱服良久再服以葱白稀粥投之微汗即差

治傷寒三日內表證不解者五解湯方

麻黃去根節二兩 白朮半一兩 葛根剉 甘草炙 山梔子人

桔梗炒 石膏碎 杏仁湯浸去皮尖雙

右八味粗篩每服三錢匕水一盞入葱白鹽豉同煎至七分去滓連併熱服不拘時汗出為度

治傷寒三日頭疼壯熱骨節痠疼白朮湯方

白朮

五味子

甘草

石膏各四兩

乾姜三兩

右五味並生粗搗篩每服三錢匕水一盞鹽一捻煎至八分去滓連併熱服

不問有汗無汗自解如傷寒挾冷腹痛加生姜三片棗二枚同煎

治傷寒頭痛發熱惡寒解表六味桂枝湯方

桂去粗皮

麻黃去根節

石膏

乾姜炮

白朮生用

蒼朮

米泔浸炒各一兩

右六味粗搗篩每服三錢匕水一盞生姜三片葱白一寸豉七粒同煎至八分

去滓熱服不拘時

治傷寒一日至三日頭痛壯熱煩悶其脉洪數人參湯方

人參兩一

白朮

甘草

炙各半兩

麻黃去根節

桂去粗皮各三分

右五味粗搗篩每服三錢匕水一盞生姜三片煎至七分去滓連併溫服不

拘時衣覆出汗

治傷寒頭痛體疼寒熱不解十味人參湯方

人參

厚朴去粗皮生薑汁炙

桂去粗皮

甘草炙

杏仁

湯浸去皮尖雙人炒

白朮

乾薑炮

白茯苓去黑皮

陳橘皮

湯浸去白
焙各一兩

麻黃

去根節湯煮
掠去沫二兩

右一十味粗搗篩每服三錢匕水一盞入生姜二片棗一枚擘破煎至七分

去滓熱服纔覺傷風併三兩服汗出立差

治傷寒表不解頭痛體疼發汗羌活湯方

羌活

去蘆
頭

獨活

去蘆
頭

芎藭

去苗

前胡

去蘆
頭

人參

白茯苓

去黑
皮

桔梗

炒

芍藥

甘草

炙各
一兩

枳殼

去瓢
炒二兩

右一十味粗搗篩每服三錢匕水一盞入生姜二片薄荷少許同煎至六分

去滓溫服不拘時候

治傷寒二三日頭痛肌熱煩躁不解四肢倦痛可汗香朮湯方

蒼朮

米泔浸一宿
切焙二兩

陳橘皮

浸去
白焙

防風

麻黃

去根節湯煮
掠去沫焙乾

當歸

切
焙

桂皮

去粗

甘草

炙各
一兩

白茯苓

去黑
皮

吳茱萸

洗焙
乾炒

人參

厚朴

去粗皮
薑汁炙

羌活

去蘆頭
各半兩

右一十二味除桂外剉碎慢火炒黃入桂同粗搗篩每服三錢匕水一盞入

葱白一寸生姜二片同煎至六分去滓溫服不拘時候

治傷寒一日至三日以前身熱脈大肢體疼痛汗不出葱豉湯方

蒼朮米泔浸去皮劉魁炒黃

麻黃去根節湯煮掠去沫焙各二兩

甘草炙

桂去粗皮各一兩

右四味粗搗篩每服三錢匕水一盞入葱白三寸鹽豉二十粒同煎至七分去滓熱服不拘時候

治傷寒表不解取汗前胡湯方

前胡去蘆頭

芎藭去蘆苗

羌活去蘆頭

芎藭

人參

枳殼去瓢麸炒

甘草炙

芍藥各半兩

麻黃去根節湯煮掠去沫焙一兩

右九味粗搗篩每服三錢匕水一盞入葱白三寸煎至七分去滓熱服如要發汗更入薄荷三五葉同煎服訖以厚被蓋覆如人行五里再服徐令汗透偏身即旋去衣被避風若傷寒後餘毒未解潮熱往來數服即解

治傷寒表未解氣脈閉塞津液不通水飲氣停在胸府結而成痰膈脘痞悶倚息短氣體重多唾頭目旋運嗜卧好眠額角偏痛腠理開疎體常汗出消飲茯苓湯方

白茯苓去黑皮

前胡去苗

芎藭

羌活去蘆頭

桔梗炒

人參

獨活去蘆頭

甘草炙

芎藭去苗各半斤陳橘皮去白四兩

右一十味同搗羅為散每服三錢沸湯點服不計時候或剉如麻豆用前件藥半兩水三盞煎至一盞半去滓分溫二服

治傷寒頭痛惡寒發熱肢體疼痛前胡湯方

前胡去蘆頭

羌活

去蘆頭各六兩

防風

去義四兩

桔梗

炒三兩

薺芫

去蘆頭挫二兩

蛇蛻皮

一兩剪碎炒令黃

陳橘皮

湯浸去白焙乾秤半兩

蟬殼

淨去土一兩

甘草

炙剉一人參二兩半

右十味粗搗篩每服三錢七水一盞入生姜三片薄荷七葉同煎至七分去

滓溫服

治四時傷寒初覺桂心湯方

桂皮去粗皮

芍藥

甘草

炙剉

葛根

剉各等分

右四味粗搗篩每服四錢七水一盞半生姜二片棗一枚擘同煎至八分去

滓溫服

傷寒可下

論曰凡傷寒邪入於陰其病在裏法當下之諸腹滿不大便或口燥舌乾而渴或潮熱譫語皆為可下之證諸診得脈沈而實即為可下之脈但脈證已具不

必拘以日數急宜攻裏若病雖過經而裏證未備者未可下也故經曰陽盛陰虛下之則愈其法謂此

陽明病不吐不下心煩者可與調胃承氣湯太陽病三日發汗不解蒸蒸熱者可與調胃承氣湯傷寒吐後腹脹滿者可與調胃承氣湯方

甘草

炙二兩

大黃

以清酒洗四兩

右二味㕮咀每服五錢匕水一盞半煎至一盞去滓入芒消一錢匕更煎一二沸溫服

陽明病脈遲雖汗出不惡寒者其身必重短氣腹滿而喘有潮熱者此外欲解可攻裏也手足濇然汗出者此大便已鞭也與大承氣湯若汗多微發熱惡寒者外未解也其熱不潮未可與承氣湯若腹大滿不通者可與小承氣湯微和胃氣勿令至大泄下大承氣湯方

大黃

酒洗四兩

厚朴

去粗皮炙半斤

枳實

楚炒五枚

右三味㕮咀每服五錢匕水一盞半煎至一盞去滓入芒消一錢匕更煎一二沸溫服

陽明病其人多汗以津液外出胃中燥大便必鞭鞭則譫語小承氣湯主之若

一服譏語止者勿再服小承氣湯方

大黃

四兩

厚朴

去粗皮炙二兩

枳實

熬炒大者三枚

右三味㕮咀每服五錢匕水一盞半煎至一盞去滓溫服初服湯當更衣不爾者盡飲之若更衣者勿服

治傷寒四日以後煩熱不解大小腸澀訖胡湯方

訖胡

去苗

黃芩

去黑心各一兩

犀角

鎊

芍藥

各三

山梔子

人兩半

大黃

細剉炒一兩半

木通

剉三分

朴消

一分

右八味粗搗篩每服五錢匕水一盞半入竹葉三七片同煎至一盞去滓腹空服大小腸通為度如未通再服

治傷寒十餘日熱結在裏往來潮熱者與大訖胡湯方

訖胡

去苗半斤

枳實

熬炒四枚

黃芩

去黑心

芍藥

各三兩

半夏

二兩半湯洗七次去滑

大黃

二兩

右六味㕮咀每服五錢匕水一盞半入生姜十片棗三枚去核同煎至一盞去滓溫服

治傷寒四日以後腹脹滿痛喘粗壯熱四味承氣湯方

大黃

細到醋二兩 枳殼去蘊炒

朴消

二兩

甘草

炙對三分

右四味粗搗篩每服五錢匕水一盞半煎至一盞去滓空心溫服

治傷寒五日口乾頭痛大便澀黃芩湯方

黃芩

去黑心

山梔子

大黃

各對醋炒一兩

陳橘皮

湯浸去白焙一分

朴消

一兩

右五味粗搗篩每服五錢匕水一盞半煎至一盞去滓溫服

治傷寒發汗不解蒸蒸發熱者調胃承氣加橘皮湯方

陳橘皮

湯浸去白焙半兩

大黃

對醋炒一兩

甘草

炙半兩

右三味細剉每服四錢匕水一盞半煎至一盞去滓入芒消一錢匕攪令勻

更煎三兩沸溫服

治傷寒日數過多心中氣悶或發疼痛狂言不定煩躁不得眠大小便不通柴

胡大黃湯方

訖胡

去苗

大黃

濕紙裹煨

朴消

枳殼

去蘊炒各一兩

甘草

炙對半兩

右五味粗搗篩每服五錢匕水一盞半煎至一盞去滓溫服日二服不可過

多若大小腸通則汗自出

治傷寒脈大潮躁伏熱宣毒散方

大黃

炒對

甘草

炙對各半兩

朴消

研一分

牽牛子

生半兩半

右四味搗羅為散每服二錢匕用龍腦膩粉蜜水調下一方鍊蜜為丸如梧
桐子大每服十五丸用龍腦膩粉水下

治傷寒八九日大便不通心神悶亂小黃芩湯方

黃芩

去黑心一兩

大黃

對炒二兩

枳殼

去瓢麩炒

大腹

對醋炒各一兩

右四味粗搗篩每服三錢匕水一盞煎至七分去滓不計時候溫服如人行

三五里未通再服以利為度

治陽盛發狂有斑大小便秘澀大青散方

大青

知母

黃芩

去黑心

大黃

煨

山梔子人

升麻

黃連

去須各一兩

甘草

炙對半兩

右八味搗羅為散每服三錢匕入朴消一錢匕用蜜水調下

治傷寒時氣溫熱病大便不通承氣丸方

大黃

對炒三分

郁李人

湯浸去皮研

枳實

去瓢麩炒

朴消

研各一兩

右四味搗研為末和勻鍊蜜丸如梧桐子大每服二十九生薑湯下未利再

服不計時候